



# Il mas-chalch da Sent

[www.sent-online.ch](http://www.sent-online.ch)

[sent@engadin.com](mailto:sent@engadin.com)

schner / favrer 2022

## MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais i'l büro da Sent Turissem [sent@engadin.com](mailto:sent@engadin.com).
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

## ARRANDSCHAMAINTS

Societats chi vöglian publichar arrandschamaints han seguaintas pussibilitats:

- Mas-chalch da Sent : tenor infuormaziuns sülla prüma pagina
- Pagina dad internet [www.sent-online.ch](http://www.sent-online.ch): annunzchas per mail a Cla Rauch, [cla.rauch@bluewin.ch](mailto:cla.rauch@bluewin.ch)
- Chalender d'arrandschamaints da la destinaziun turistica:  
[www.engadin.com](http://www.engadin.com) => "Allegra das Veranstaltungsmagazin" => Veranstaltungen erfassen  
opür  
<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

## AVIS - Nouv adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzas ed infuormaziuns illas chaistas nairas pon manar avis in fuormat A4 pro Sent Turissem fin adüna il marcurdi. Ils avis vegnan plazzats adüna la gövgia illas chaistas nairas.

---

## SOCIETÀ D'ÜTIL PUBLIC – concerts illa baselgia da Sent

Ingüna reservaziun da plazzas - la chascha es averta ün'ura avant il concert

**Dumengia, als 30 schner 2022, a las 17.00, CHF 25.-**

### GLISCH D'INVIERN

Patricia Draeger: orgel da man, Albin Brun: orgelin da Schwyz, saxofon sopran

Quist duo es fich innovativ e cuntschaint in Svizra cun nouva musica populara e jazz. I's sarà surprais da lur aigna musica melodiusa, virtuosa ed impreschiunanata, inspirada da l'ambaint alpin, sco eir da culturas musicalas da tuot il muond.

**Sonda, als 5 favrer 2022, a las 17.00, CHF 30.-**

### ORCHESTRINACHUR & AMORE

Clot Buchli: corn basset e clarinetta, OrchestrinaChur: ensemble da strichaders, Anita Jehli: dirigenta  
Clot Buchli e l'OrchestrinaChur conferman musicalmaing lur amur per l'Italia. I'l concert dad Alessandro Rolla po brillar il corn basset. Natüralmaing cha pro quista decleranza d'amur, Antonio Vivaldi nu das-cha mancar e neir na « Antiche Danze Arie Nr.3 » dad Ottorino Respighi. Ils puncts finals saran « Sole e Amore » e « Storielle d'Amore » da Giacomo Puccini.

**Dumengia, als 13 favrer 2022, a las 17.00 CHF25.-****SÖMMI DA STÀ, IMMEZ INVIERN**

Frielinghaus Ensemble

La „Symphonie aus der neuen Welt“ da Dvorak es fich cuntschainta. Il cumponist collia cul quartet da strichaders folclora tschecha ed impreschiuns da viadi. El lascha clingir üna lingua „americana“ artistica e spontana.

Na main entusiastic es il quartet per strichaders da Mendelsson cun üna frais-chezza giuvenila. In quist'ouvra dudirana però eir ün mumaint fich persunal : Üna frasa fich plana cumponüda in memoria per ün ami. Aint il scherzo clingia lura il tipic sömme da stà.

**Dumengia, als 20 favrer 2022, a las 17.00 CHF25.-****RECITAL CELLO E CLAVAZIN**

Hyazintha Andrej : cello, Marta Patrocínio : clavazin

Las duos musicistas han grond plaschair da crear e preschantar adüna darcheu novs programs da concert. Ellas s'han imprais a cugnuscher d'ürant lur stüdi a la scoul'ota d'art a Turich. Quista jada as pudaraja giodaiair ouvas da Beethoven, Strohl, Janacek e Fazil Say.

**Dumengia, als 27 favrer 2022, a las 17.00 CHF25.-****POETIC-FILOSOFIC E VIRTUOS**

Pervez Mody : clavazin solo

El sunarà ouvas da Chopin e da Skrjabin.

Pervez Mody es ün musicist chi pisserarà per üna sairada da clavazin plain tensiun cun virtuosità ed interpretaziuns culuridas cun üna ferma expressiun. El es cuntschaint sco maister interpret da las ouvas dad Alexander Skrjabin.

Martha Argerich : »Eu sun fascinada da sia ferma expressiun da sentimaints... ün musicist extraordinari ed ün aritist incumparabel...«

**GROTTA DA CULTURA** – infuormaziuns detagliadas i'l Allegra e suot <http://www.grottadacultura.ch>

<b>Galleria e bar-café / Galerie und Bar-Café</b>	
<b>mardi e sonda / Dienstag und Samstag</b>	<b>17:00 -19:00</b>
<b>Nus ans allegrain da Lur visita!</b>	

**Exposiziuns/Ausstellungen****Sophia Wild München/Sent***Oelbilder Engadiner Szenen und Landschaften:**"die Stille, die Kargheit und die gleichzeitige Fülle ihrer dezenten Schönheit inspirieren mich"*

Covid-Zertifikat und Ausweis erforderlich, zusätzlich Hygiene-Maske.

**Occurenzas / Veranstaltungen****«HAUS», ein musikalisch-architektonisches Projekt in Klosters / Scuol / Sent**

Die Grotta da cultura, Schigliana 204, 7554 Sent als Treffpunkt und Ausgangspunkt

**1. März 15.00 Dorfführung mit Cla Rauch:** Was ist besonders an der Engadiner Architektur? Was ganz besonders in Sent? (Dauer ca. 2h)

**2. März 13.00 Hörspaziergang «Nähe und Weite»:** Die Tal-Terrasse von Sent lädt ein, Geräusche in nächster Nähe und solche aus grosser Ferne zu hören und eine Stunde lang spielerisch "räumliches Hören" auszuprobieren. Gutes Schuhwerk mitbringen! (Dauer ca. 2h)

**2. März 17.00 und 20.00 «Lit Marveil»:** In einer 1:1-Performance singt je ein/e SängerIn für einen Gast. Das Publikum wird danach zum zweiten Teil des Konzerts in die Fundaziun Nairs gefahren und hört - mit Kopfhörern - das Werk «Architekturmusik». Anschliessend wird es wieder nach Sent gefahren. (Gesamtdauer ca. 1:40h)

**Reservation:** [tickets@studio-Klangraum.ch](mailto:tickets@studio-Klangraum.ch)

**PER NOSSAS SENIORAS - PER NOSS SENIORS****Mardi, als 1. favrer 2022****Giantar da cumpagnia** (Corporaziun Evangelica e Pro Senectute)

A las 12.00 i'l hotel Aldier. Il certificat da Covid es obligatoric.

Infuormaziun ed annunzcha a Chatrina Ritzmann, 081 864 93 59

Adüna il **lündeschdi, a las 14.00 in Chasa Misoch**: Gimnastica per las duonnas, Pro Senectute, manadra Elisabeth Poo, tel. 081 864 18 20**CORPORAZIUN EVANGELICA SENT****Cults divins**

DUMENGIA, 13 FAVRER

**Cult divin**

11.00, rumantsch/tudais-ch, rav. Niklaus Friedrich

DUMENGIA, 27 FAVRER

**Cult divin**

10.00, rumantsch, pred. laic Fadri Häfner

**Divers**

MARDI, 1. FAVRER

12.00; Giantar da cumpagnia per seniorAs i'l hotel Aldier. Infuormaziuns survat.

**Comunicaziun**

Charas commemoras e chars commemberss, chars genituors

La suprastanza da la Corporaziun evangelica da Sent es daspö duos ons in tschercha da ravarenda. Trais buns candidats/candidatas chi sun stats as preschantar durant l'on passà han l'ultim deplorablamaing istess retrat lur candidatura.

Quai cha nus tscherchain amo plü urgiaintamaing es

**almain duos personas chi ans güdan a trar il char**

Nus eschan be plü in trais in suprastanza e quels amo plütöst da la generaziun veglia. Sper la lavur sütta da suprastanza chi sto gnir fatta, vessan nus eir il giavüsch cha noss'instituziun gniss darcheu ün pa activa.

Pro la baselgia saja temas interessants chi regardan dumondas da la vita e da la società, e quai per tuot las etats. I füss be da chattar fuormas da's confruntar cun els, forsa eir in cumbinaziun cun otras activitats sco p.ex. lectüra, musica, teater, discuors, inscunTERS, viadis. Insembel gnissna sgür sün bunas ideas.

Cun Seraina Guler vaina üna catacheta fich ingaschada chi ans rimplazza il /la ravarenda pustüt illa lavur cun noss uffants e juvenils. Eir per ella füssa fich salüdaivel d'avair amo personas activas ed innovativas, p.ex. genituors, chi collavuran e tilla sustegnan cun schlantsch.

Nu füss quai alch per vus?

Per dumondas staina gugent a disposiziun ed eschan cuntaints per mincha annunzia.

La suprastanza da la Corporaziun evangelica: Barbla Buchli, Duri Fried ed Aita Dermont-Stupan

**Adressas:**

Corporaziun Evangelica Sent  
Barbla Buchli  
telefon 081 864 02 78  
[barbla.buchli@bluewin.ch](mailto:barbla.buchli@bluewin.ch)

Secretariat da pravenda  
telefon 081 860 34 10  
[secretariat.pravenda@bluewin.ch](mailto:secretariat.pravenda@bluewin.ch)